



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10), člana 10 Zakona o izmirenju obaveza po osnovu računa stare devizne štednje emisijom obveznica u Brčko distriktu Bosne i Hercegovine (Službeni glasnik Brčko distrikta BiH, brojevi 16/09 i 19/10 i Prijedloga odluke dogradonačelnika broj: 02-000342/11 od 22. juna 2011. godine, Skupština Brčko distrikta BiH, na 48. redovnoj sjednici održanoj 30. juna 2011. godine, donosi

## **O D L U K U**

### **O TREĆOJ EMISIJI OBVEZNICA BRČKO DISTRIKTA BOSNE I HERCEGOVINE ZA IZMIRENJE OBAVEZA PO OSNOVU VERIFIKOVANIH RAČUNA STARE DEVIZNE ŠTEDNJE**

#### **Član 1 (Predmet)**

Odlukom o trećoj emisiji obveznica Brčko distrikta Bosne i Hercegovine za izmirenje obaveza po osnovu verifikovanih računa stare devizne štednje (u daljnjem tekstu: Odluka), uređuje se način emitovanja obveznica Brčko distrikta Bosne i Hercegovine po osnovu računa stare devizne štednje verifikovanih u toku 2010. godine (u daljnjem tekstu: obveznice), a s ciljem izmirenja obaveza Brčko distrikta Bosne i Hercegovine (u daljnjem tekstu: Distrikt) po osnovu verifikovanih računa stare devizne štednje.

#### **Član 2 (Iznos emisije obveznica)**

(1) Iznos treće emisije obveznica je 8.296.812 KM, koji čini neisplaćeni iznos verifikovanih obaveza po osnovu računa stare devizne štednje u skladu s Pravilnikom o postupku verifikacije potraživanja i gotovinskih isplata po osnovu računa stare devizne štednje u Brčko distriktu Bosne i Hercegovine (u daljnjem tekstu: Pravilnik), nakon gotovinskih isplata.

(2) Iznos iz stava 1 ovog člana predstavlja sumu pojedinačnih verifikovanih iznosa, umanjenih za isplaćene gotovinske isplate i poslije otpisa iznosa u pferinzima za svakog povjerioca.

#### **Član 3 (Elementi obveznica)**

Osnovni elementi obveznica su:

- a) emitent: Distrikt;
- b) nominalna vrijednost treće emisije: 8.296.812 KM;
- c) naziv emisije: treća emisija obveznica po osnovu verifikovanih računa stare devizne štednje;

- d) vrsta obveznica: dugoročna obveznica s kamatnim prinosom (kuponom), neograničeno prenosiva, u nematerijalizovanom obliku, na ime;
- e) nominalna vrijednost jedne obveznice: jedna konvertibilna marka;
- f) tip emisije: primarna emisija;
- g) redni broj emisije: treća emisija;
- h) broj emitovanih obveznica: 8.296.812;
- i) datum emisije: 31. 7. 2011;
- j) krajnji rok dospelja: 31. 3. 2016;
- k) kamatna stopa: fiksna, 2,5% godišnje, računa se na ostatak glavnice uz primjenu linearnog modela obračuna kamate.

#### **Član 4 (Glavnica i kamata)**

(1) Obveznice nose kamatu na glavnicu po stopi 2,5% godišnje, koja se obračunava polugodišnje.

(2) Vlasnik obveznice ima pravo na pripadajući dio glavnice u godišnjim periodima i pripadajući dio kamate obračunate na preostali dio glavnice u polugodišnjim periodima.

(3) Prva isplata kamate i glavnice izvršava se 30. septembra 2011. godine, za period koji počinje od 31. marta 2011. godine zaključno sa 29. septembrom 2011. godine.

(4) Sljedeće glavnice se isplaćuju jednom godišnje prema sljedećem planu: 30. septembra 2012.; 30. septembra 2013.; 30. septembra 2014.; 30. septembra 2015. i 31. marta 2016. godine.

(5) Sljedeće kamate se isplaćuju polugodišnje prema sljedećem planu: 31. marta 2012.; 30. septembra 2012.; 31. marta 2013.; 30. septembra 2013.; 31. marta 2014.; 30. septembra 2014.; 31. marta 2015.; 30. septembra 2015. i 31. marta 2016. godine.

#### **Član 5 (Otplatni plan)**

(1) Kamata i glavnica isplaćuje se na dan dospelja, a najkasnije u roku od sedam dana od dana obračuna kamate, odnosno dospelja glavnice prenosom sredstava na račune vlasnika obveznica.

(2) Isplata iz stava 1 ovog člana se vrši u skladu sa sljedećim otplatnim planom:

a) za cjelokupnu treću emisiju obveznica;

<b>Datum isplate</b>	<b>Preostali dio nominalne vrijednosti</b>	<b>Stopa otplate</b>	<b>Isplata glavnice</b>	<b>Isplata kamate</b>	<b>Isplata ukupno (godišnje)</b>
	8.296.812				

30. 9. 2011.	7.508.872	9,50%	787.940	103.710,15	891.650,15
31. 3. 2012.	-	-	-	93.860,90	
30. 9. 2012.	6.430.526	13,00%	1.078.346	93.860,90	1.266.067,80
31. 3. 2013.	-	-	-	80.381,58	
30. 9. 2013.	5.061.796	16,50%	1.368.730	80.381,58	1.529.493,16
31. 3. 2014.	-	-	-	63.272,46	
30. 9. 2014.	3.526.984	18,50%	1.534.812	63.272,46	1.661.356,92
31. 3. 2015.	-	-	-	44.087,30	
30. 9. 2015.	1.867.692	20,00%	1.659.292	44.087,30	1.747.466,60
31. 3. 2016.	-	22,50%	1.867.692	23.346,15	1.891.038,15
<b>UKUPNO:</b>			<b>8.296.812</b>	<b>690.260,78</b>	<b>8.987.072,78</b>

b) za treću emisiju obveznica kojima se trguje preko Banjalučke berze papira od vrijednosti, a.d. Banja Luka (u daljnjem tekstu: „Banjalučka berza“):

Datum isplate	Preostali dio nominalne vrijednosti	Stopa otplate	Isplata glavnice	Isplata kamate	Isplata ukupno (godišnje)
	2.975.015				
30. 9. 2011.	2.692.545	9,50%	282.470	37.187,69	319.657,69
31. 3. 2012.	-	-	-	33.656,81	
30. 9. 2012.	2.305.903	13,00%	386.642	33.656,81	453.955,62
31. 3. 2013.	-	-	-	28.823,79	
30. 9. 2013.	1.815.098	16,50%	490.805	28.823,79	548.452,58
31. 3. 2014.	-	-	-	22.688,73	
30. 9. 2014.	1.264.787	18,50%	550.311	22.688,73	595.688,46
31. 3. 2015.	-	-	-	15.809,84	
30. 9. 2015.	669.809	20,00%	594.978	15.809,84	626.597,68
31. 3.	-	22,50%	669.809	8.372,61	678.181,61

2016.					
<b>UKUPNO:</b>			<b>2.975.015</b>	<b>247.518,64</b>	<b>3.222.533,64</b>

c) za treću emisiju obveznica kojima se trguje preko Sarajevske berze papira od vrijednosti, d.d., Sarajevo (u daljnjem tekstu: Sarajevska berza):

Datum isplate	Preostali dio nominalne vrijednosti	Stopa otplate	Isplata glavnice	Isplata kamate	Isplata ukupno (godišnje)
	5.321.797				
30. 9. 2011.	4.816.327	9,50%	505.470	66.522,46	571.992,46
31. 3. 2012.	-	-	-	60.204,09	
30. 9. 2012.	4.124.623	13,00%	691.704	60.204,09	812.112,18
31. 3. 2013.	-	-	-	51.557,79	
30. 9. 2013.	3.246.698	16,50%	877.925	51.557,79	981.040,58
31. 3. 2014.	-	-	-	40.583,73	
30. 9. 2014.	2.262.197	18,50%	984.501	40.583,73	1.065.668,46
31. 3. 2015.	-	-	-	28.277,46	
30. 9. 2015.	1.197.883	20,00%	1.064.314	28.277,46	1.120.868,92
31. 3. 2016.	-	22,50%	1.197.883	14.973,54	1.212.856,54
<b>UKUPNO:</b>			<b>5.321.797</b>	<b>442.742,14</b>	<b>5.764.539,14</b>

(3) Podjela cjelokupne treće emisije obveznica iz stava 2 tački b) i c) ovog člana izvršena je po osnovu teritorijalne pripadnosti sjedišta poslovnih banaka kod kojih su vlasnici obveznica otvorili tekuće račune na koje se doznačavaju sredstva od isplata glavnice i kamata na emitovane obveznice.

## Član 6 (Datumi dospjeća)

- (1) Obveznice dospijevaju za naplatu jednom godišnje, kako slijedi:
- a) obveznice Serije O u ukupnom iznosu od 787.940, s datumom dospjeća 30. 9. 2011. godine, izdaju se povjeriocima na ime izmirenja dijela duga po osnovu stare devizne štednje;
  - b) obveznice Serije P u ukupnom iznosu od 1.078.346, s datumom dospjeća 30. 9. 2012. godine, izdaju se povjeriocima na ime izmirenja dijela duga po osnovu stare devizne štednje;

- c) obveznice Serije R u ukupnom iznosu od 1.368.730, s datumom dospijeaća 30. 9. 2013. godine, izdaju se povjeriocima na ime izmirenja dijela duga po osnovu stare devizne štednje;
  - d) obveznice Serije S u ukupnom iznosu od 1.534.812, s datumom dospijeaća 30. 9. 2014. godine, izdaju se povjeriocima na ime izmirenja dijela duga po osnovu stare devizne štednje;
  - e) obveznice Serije T u ukupnom iznosu od 1.659.292, s datumom dospijeaća 30. 9. 2015. godine, izdaju se povjeriocima na ime izmirenja dijela duga po osnovu stare devizne štednje;
  - f) obveznice Serije U u ukupnom iznosu od 1.867.692, s datumom dospijeaća 31. 3. 2016. godine, izdaju se povjeriocima na ime izmirenja dijela duga po osnovu stare devizne štednje.
- (2) Obveznice kojima se trguje na Banjalučkoj berzi dospijevaju na naplatu jednom godišnje, kako slijedi:
- a) obveznice Serije O1 u ukupnom iznosu od 282.470, s datumom dospijeaća 30. 9. 2011. godine;
  - b) obveznice Serije P1 u ukupnom iznosu od 386.642, s datumom dospijeaća 30. 9. 2012. godine;
  - c) obveznice Serije R1 u ukupnom iznosu od 490.805, s datumom dospijeaća 30. 9. 2013. godine;
  - d) obveznice Serije S1 u ukupnom iznosu od 550.311, s datumom dospijeaća 30. 9. 2014. godine;
  - e) obveznice Serije T1 u ukupnom iznosu od 594.978, s datumom dospijeaća 30. 9. 2015. godine;
  - f) obveznice Serije U1 u ukupnom iznosu od 669.809, s datumom dospijeaća 31. 3. 2016. godine.
- (3) Obveznice kojima se trguje na Sarajevskoj berzi dospijevaju na naplatu jednom godišnje, kako slijedi:
- a) obveznice Serije O2 u ukupnom iznosu od 505.470, s datumom dospijeaća 30. 9. 2011. godine;
  - b) obveznice Serije P2 u ukupnom iznosu od 691.704, s datumom dospijeaća 30. 9. 2012. godine;
  - c) obveznice Serije R2 u ukupnom iznosu od 877.925, s datumom dospijeaća 30. 9. 2013. godine;
  - d) obveznice Serije S2 u ukupnom iznosu od 984.501, s datumom dospijeaća 30. 9. 2014. godine;
  - e) obveznice Serije T2 u ukupnom iznosu od 1.064.314, s datumom dospijeaća 30. 9. 2015. godine;
  - f) obveznice Serije U2 u ukupnom iznosu od 1.197.883, s datumom dospijeaća 31. 3. 2016. godine.

## **Član 7**

### **(Isplata zakonske zatezne kamate)**

U slučaju kašnjenja s isplatom kamate, odnosno glavnice iz obveznica poslije isteka rokova iz člana 5 stavovi 1 i 2 i člana 6 stav 1 Odluke, Distrikt plaća zakonsku zateznu kamatu.

## **Član 8 (Osiguranje sredstava)**

(1) Sredstva za izmirenje obaveza po ovoj emisiji osiguravaju se iz budžeta Distrikta.

(2) Sredstva za isplatu dospjele glavnice i obračunate kamate obveznica Direkcija za finansije Brčko distrikta Bosne i Hercegovine (u daljnjem tekstu: Direkcija) isplaćuje u skladu sa rokovima utvrđenim u članovima 5 i 6 Odluke, vlasniku obveznice, bez odbitka troškova i naknada Komisije za papire od vrijednosti Brčko distrikta Bosne i Hercegovine (u daljnjem tekstu: Komisija).

## **Član 9 (Bezuslovnost, ravnopravnost, otkup i dospijeće obveznica)**

(1) Obveznice predstavljaju direktnu i безусловnu obavezu Distrikta, međusobno su ravnopravne i najmanje su u istom rangu sa svim drugim sadašnjim i budućim obavezama za čije izvršenje sredstva osigurava Distrikt.

(2) Distrikt može, u bilo koje vrijeme, otkupiti obveznice po bilo kojoj cijeni na tržištu ili na drugi način, u skladu s odlukom Vlade Brčko distrikta Bosne i Hercegovine (u daljnjem tekstu: Vlada), pod uslovom da, u slučaju kupovine javnom ponudom, takva ponuda bude jednako dostupna svim vlasnicima obveznica.

(3) Vlasnik obveznice nema pravo da traži prijevremeno dospijeće obveznica, odnosno da proglasi bilo koju obveznicu dospjelom i plativom prije njenog dospijeća.

## **Član 10 (Oporezivanje)**

Prihodi od kamata i kapitalne dobiti po osnovu obveznica se ne oporezuju.

## **Član 11 (Registracija obveznica)**

(1) Obveznice se registruju kod Komisije.

(2) Pravo vlasništva nad obveznicama i pravo raspolaganja stiče se danom registracije obveznica kod Komisije.

(3) Lice ovlašteno za provođenje Odluke, u roku od osam dana od dana donošenja Odluke, podnosi Komisiji zahtjev za registraciju obveznica i izvještaj o obavezama po osnovu verifikovanih računa stare devizne štednje koje se izvršavaju trećom emisijom obveznica.

(4) Za tačnost podataka u izvještaju iz stava 3 ovog člana odgovara Agencija za posredničke, informatičke i finansijske usluge a.d. Banja Luka.

(5) Komisija, na osnovu primljene Odluke, kao i zahtjeva za registraciju obveznica s izvještajem iz stava 3 ovog člana, registruje emisiju, otvara i vodi račune vlasnika obveznica, vrši registraciju i čuva podatke o sticanju vlasništva i pravima iz obveznica, izdaje izvještaje, izvode i potvrde o stanju i promjenama na računima vlasnika obveznica, u skladu s propisima koji uređuju tržište papira od vrijednosti i aktima Komisije.

## **Član 12** **(Upis u registar emitenata)**

Distrikt se ne upisuje u Registar emitenata kod Komisije.

## **Član 13** **(Uvrštavanja na službena berzanska tržišta i trgovina obveznicama)**

(1) Komisija je dužna da obavijesti Banjalučku i Sarajevsku berzu o registraciji obveznica.

(2) Uvrštavanje emitovanih obveznica iz člana 6 stava 2 na Banjalučku berzu se vrši na osnovu činjenice da su vlasnici obveznica otvorili svoj transakcioni račun za isplatu sredstava po osnovu ove emisije na području za koje je nadležna navedena berza.

(3) Uvrštavanje emitovanih obveznica iz člana 6 stava 3 na Sarajevsku berzu se vrši na osnovu činjenice da su vlasnici obveznica otvorili svoj transakcioni račun za isplatu sredstava po osnovu ove emisije na području za koje je nadležna navedena berza.

(4) Na osnovu obavještenja Komisije i zahtjeva emitenta, emitovane obveznice se uvrštavaju na službeno berzansko tržište u Bosni i Hercegovini iz stava 1 ovog člana.

(5) Trgovina obveznicama na sekundarnom tržištu obavlja se u skladu s propisima kojima se uređuje trgovina papirima od vrijednosti.

(6) Cijena obveznica, uvrštenih na službeno berzansko tržište, bazira se na tzv. čistoj cijeni, odnosno ne obuhvata stečenu kamatu.

(7) Plaćanje po obavljenoj kupovini obveznica na službenom berzanskom tržištu obavlja se po cijeni po kojoj se trgovalo, uvećanoj za stečenu kamatu za period od zadnje isplate kamate do pretpostavljenog dana poravnanja, ne uključujući pretpostavljeni dan poravnanja.

(8) Za obračun stečene kamate iz obveznica uzima se stvarni broj dana u periodu za koji se obračunavaju kamate, uključujući dan dospijeća prethodnog kupona, ali ne uključujući dan dospijeća sljedećeg kupona.

## **Član 14** **(Obaveze Komisije)**

(1) Komisija je dužna:

- a) obavljati sve poslove neophodne za pripremu izvještaja o vlasnicima obveznica, njihovim tekućim računima, broju obveznica s kojima raspolaže, iznosom otplate glavnice i obračunate kamate po dospelom kuponu, a sve s ciljem nesmetanog obavljanja isplate po obveznicama;
- b) formirati podatke navedene u tački a) ovog stava, ukupno i pojedinačno po bankama i dostaviti ih Direkciji;
- c) obavijestiti Direkciju o iznosu ukupne obaveze po dospeljoj glavnici po obveznicama, ukupne obaveze po dospeljoj obračunatoj kamati i razlici u kamati, koja nastaje pri zaokruživanju iznosa kamate na dvije decimale za svakog vlasnika obveznica;
- d) po dobijanju povrata fajlova, voditi evidenciju o obavezama po osnovu dospjele glavnice i obračunate kamate za vlasnike obveznica kojima iz tehničkih razloga nije izvršena isplata dospelog kupona;
- e) u saradnji s Direkcijom i povjeriocima, odnosno vlasnicima koji nisu iz tehničkih razloga primili uplatu sredstava, ustanovljavati greške i vršiti korekcije podataka o vlasnicima i ponavljati proceduru slanja fajlova za one vlasnike obveznica stare devizne štednje kojima nisu raspoređena sredstva po dospijeću obveznica;
- f) dostavljati fajlove za isplatu obveznica Direkciji koji sadrže podatke o iznosima za isplatu kamate i glavnice vlasnicima obveznica u polugodišnjim periodima na datume dospijeća kupona.

(2) Fajlovi se dostavljaju najkasnije do kraja radnog vremena na datume dospijeća.

(3) Ukoliko datumi dospijeća kupona padaju u neradne dane, fajl se šalje najkasnije prvog narednog radnog dana.

(4) Fajl za isplatu obveznica sačinjen je u ACCESS formatu i sadrži sljedeće podatke:

- a) redni broj;
- b) prezime i ime, odnosno naziv;
- c) identifikacioni broj;
- d) oznaka i broj obveznica;
- e) iznos glavnice za isplatu izražen u KM;
- f) iznos kamate za isplatu izražen u KM;
- g) ukupan iznos za isplatu izražen u KM;
- h) broj računa kod banke i naziv banke;
- i) poziv na broj.

(5) Komisija obavještava Direkciju o ukupnom iznosu za isplatu kamate i glavnice vlasnicima obveznica po svim bankama s naznačenim kodom i nazivom svake banke i njoj pripadajućeg dijela glavnice i kamate, na sljedeće načine:

- a) elektroničkim putem do kraja radnog dana na dan dospijeća obveznica;
- b) pismenim putem u roku od tri dana od dana dospijeća obveznica.

## Član 15



## **(Obaveze Direkcije)**

Direkcija je dužna:

- a) redovno obezbjeđivati potrebna sredstva za isplatu dospjele glavnice i obračunate kamate po obveznicama;
- b) redovno dostavljati Komisiji obavještenje s podacima o nazivima banaka s kodovima za svaku banku i korekcijama podataka o bankama, najkasnije dva radna dana prije datuma dospjeća kupona (glavnice i obračunate kamate po obveznicama);
- c) omogućiti nesmetanu razmjenu podataka potrebnih za izvršavanje isplate dospjelog kupona obveznice;
- d) izvršiti uplate zbirnih sredstava za isplatu dospjele glavnice i sredstava dospjele obračunate kamate na transakcione račune banaka, koje sredstva raspoređuju vlasnicima, prema priloženim fajlovima Komisije;
- e) Komisiji pružiti punu podršku potrebnu za blagovremeno i kvalitetno izvršenje posla.

## **Član 16 (Rješavanje sporova)**

U slučaju spora, stranke svoja međusobna prava i obaveze rješavaju u skladu sa zakonima koji uređuju ovu oblast pred Osnovnim sudom u Distriktu.

## **Član 17 (Realizacija odluke)**

Za realizaciju Odluke zadužuje se Direkcija, a direktor Direkcije je lice ovlašteno za provođenje Odluke.

## **Član 18 (Stupanje na snagu i objavljivanje)**

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-438/11  
Brčko, 30. juna 2011. godine

PREDSJEDNIK  
SKUPŠTINE BRČKO DISTRIKTA BiH

**Esad Atić**

Dostavljeno:

1. Predsjedniku
2. Dopredsjedniku
3. Dogradonačelniku
4. Direkciji za finansije
5. Sektoru za koordinaciju politika i opće poslove  
- Odsjeku za opće poslove
6. Arhivi